



## Headlines

- प्रधानमंत्री नरेन्द्र मोदी ते तंजानिया दी राष्ट्रपति सामिया सुलुहू हसन हुंदे बष्कार व्यापक मुद्दे पर गल्लबात होई।
- मुख्य चुनां आयुक्त होरें गलाया जे जम्मू कश्मीर च चुनां इत्थुआं दी सुरक्षा स्थिति गी ध्यानै च रखदे होई सेही समें पर करोआए जांगन। उनें 5 राज्यें च विधानसभा चुनाएं दी तरीक दी घोशणा कीती।
- गृहमंत्रालय नै गलाया ऐ जे आम नागरिकें दी सुरक्षा ते आतंकवाद रोधी कारवाइएं दरान बक्ख-बक्ख जिम्मेदारिं गी अंजाम देने लेई जम्मू कश्मीर च 4 ज्हार कोला बद्ध ग्राम रक्षा समूह ते 32 ज्हार कोला बद्ध एसपीओ लाए गे न।
- प्रधानमंत्री नरेन्द्र मोदी होर ऐषियाई खेड्डें च हिस्सा लैने आले भारतीय खडारिं दे दल कन्नै गल्लबात करगंन।



## India Tanzania

प्रधानमंत्री नरेन्द्र मोदी ते तंजानिया दिएं राष्ट्रपति सामिया सुलुहू हसन हुंदे बष्कार अज्ज नमीं दिल्ली केई बक्ख-बक्ख मुद्दे पर दपक्खी गल्लबात होई। बैठका च दौनें नेताएं दपक्खी सरबंधें कन्नै जुड़े दे बक्ख-बक्ख पैह्लुएं पर तफसीली सोच बचार ते समीक्षा कीती। कन्नै गै उनें दौनें मुखें बष्कार सरबंधें गी निग्गर बनाने ते उंदे एतिहासिक सरबंधें गी होर अगडे लेई जाने दे तौर तरीकें दे बारे च बी गल्लबात कीती। दौनें पक्खें बष्कार षिष्टमंडल सतह दी गल्लबात होई जेह्दे च बपार, रासपूंजी, रक्षा, समुंद्री सुरक्षा, विकास कम्मं च भेयाली, उच्च शिक्षा ते लोकें लोकें बष्कार आपसी संपर्क सनें केई होर क्षेत्रें च सैहयोग बधाने बारे बी गल्लबात कीती गई। बैठक दे बाद इक सांझी प्रेस वार्ता गी संबोधत करदे होई प्रधानमंत्री मोदी होरें आक्खेआ जे भारत ते तंजानिया दी बड़ी परानी दोस्ती दे सफर दा अज्ज इक एतिहासिक ध्याड़ा ऐ जदूं साढे सरबंध होर अगडे बधदे होई सामरिक सतह पर पुज्जी गे न। अफ्रीका च तंजानिया भारत दा सब्बने षा करीबी विकास भ्याल ऐ। मोदी होरें आक्खेआ जे बपार कारोबार ते निवेश दे क्षेत्र दे इलावा हून दवै मुख्य मकामी करंसी च बपारिक लैन देन पुरु करने बारे इक समझौते पर कम्म करा करदे न। उनें दरसेआ जे दौनें मुखें रक्षा क्षेत्र च सैहयोग लेई अपना 5एं बरे दा इक खाका तैआर कीता ऐ जेह्दी मदद कन्नै होरने केई क्षेत्रें च साथ सैहयोग ते सांझ भेयाली बधोग। उनें इस गल्लै पर बी खुषी प्रगट कीती जे तंजानिया नै कुल संसारी सतह दे जैव इंधन गठबंधन, जेह्दा जी-20 षिखर सम्मेलन दरान बनाया गोआ ऐ, ओह्दे च षामल होना मन्नी लैता ऐ। प्रधानमंत्री होरें इब्बी आक्खेआ जे दवै मुख्य इस बचार पर बी सैहमत न ते आतंकवाद समूलची मनुक्खता लेई इक गंभीर खतरा ऐ जिसी दना बर्दाप्त नेई कीता जाना लोडचदा।



## ECI-JK

भारतीय चुनां आयोग नै अज्ज आक्खेआ ऐ जे जम्मू कश्मीर च चुनां सेही समें पर ते इत्थुआं दी सुरक्षा स्थिति गी ध्यानै च रखदे होई करोआए जांगन। मुख्य चुनां आयुक्त राजीव कुमार होरें एह गल्ल 5 राज्यें च विधान सभा चुनां करोआने बारे कार्यक्रम जारी करने लेई आयोजित प्रेस कांफ्रेंस दरान आक्खी। जम्मू कश्मीर च चुनां उसलै करोआए जांगन जिसलै आयोग गी लग्गोग जे एह सेही समां ऐ। चुनां लेई सुरक्षा स्थिति ते होर दुई चीजें गी बी दिखेआ जाग।



## ECI-Election Dates

मिजोरम, छत्तीसगढ़, मध्यप्रदेश, राजस्थान ते तेलंगाना च विधान सभा दे चुनां औंदे म्हीने दी 7 कोला लेइयै 30 तरीक दे दरमयान कराए जांगन, जिसलै जै वोटें दी गिनतरी त्रै दिसम्बर गी होग। भारतीय निर्वाचन आयोग नै इनें 5एं राज्यें च विधानसभा चुनाएं दे कार्यक्रम दी अज्ज घोशणा करी दित्ती ऐ। मिजोरम च 7 नवम्बर गी इक्कै गेड़ च मतदान कराया जाग ते एह्दे लेई अधिसूचना इस म्हीने दी 13 तरीक गी जारी कीती जाग। छत्तीसगढ़ च पैहले गेड़ तैह्त् 7 नवम्बर ते दूए गेड़ तैह्त् 17 नवम्बर गी वोट पोआए जांगन। पैहले गेड़ दे चुनां लेई अधिसूचना इस म्हीने दी 13 तरीक ते दुए गेड़ लेई 21 तरीक गी जारी कीती जाग। तोआई मध्यप्रदेश च 17 नवम्बर गी होने आले मतदान लेई अधिसूचना 21 अक्टूबर गी जारी कीती जाग। राजस्थान च वोट 23 नवम्बर गी पोआए जांगन ते एह्दे लेई अधिसूचना 30 अक्टूबर गी जारी कीती जाग। तोआई तेलंगाना च बी इक्कै गेड़ च 30 नवम्बर गी वोट पोआए जांगन जेह्दे लेई अधिसूचना 3 नवम्बर गी जारी कीती जाग। नमीं दिल्ली च मीडिया गी इस बारे जानकारी दिंदे होई मुख

निर्वाचन आयुक्त राजीव कुमार होंरें आक्खेआ जे इनें चुनाएं दा महत्व इस करियै मता महत्वपूर्ण ऐ की जे 2024 दे लोकसभा चुनाएं कोला पैहले होने आला एह खीरी चुनां ऐ। उनें दस्सेआ जे निर्वाचन आयोग चुनाएं गी पूरी चाल्ली साफ सुधरे, अजादाना ते पारदर्शी ढंगें नै ते कन्नै गड़बड़ी रहैत करोआना जकीनी बनाग।



### BJP-Congress

भाजपा नै 5 राज्यें दे विधानसभा चुनाएं दी घोशणा दा सुआगत कीता ऐ। इक सोषल मीडिया पोस्ट च पार्टी अध्यक्ष जे.पी.नड्डा होंरें आक्खेआ जे प्रधानमंत्री नरेन्द्र मोदी हुंदी अगुवाई च भाजपा सब्बनें राज्यें च बहुमत कन्नै सरकार बनाग ते अगले 5 बरें तगर लोकें दिएं आसैं-तांगें गी पूरा करने दा कम्म करोग। कांग्रेस पार्टी नै बी भरोसा जताया जे ओह लोकें दे विष्वास ते समर्थन कन्नै इनें सब्बनें राज्यें च बहुमत कन्नै जित्त हासल करोग। पार्टी नै इक सोषल मीडियो पोस्ट च आक्खेआ जे इनें राज्यें च उसदी जित्त करसानें, मजदूरें, युवाएं ते महिलाएं दे अधिकारें दी जित्त होग।



### LG Inspection

उपराज्यपाल मनोज सिंह होंरें प्रधानमंत्री पैकेज तैहूत लग्गे दे कर्मचारिण दे आरजी आसरमें, श्री अमरनाथ श्राईन बोड दे दफतर ते पैथा चौक श्रीनगर च यात्री निवास दे कम्में दा जायजा लैता। उनें कम्में गी समें सिर पूरा करने ते ओहदी निगरानी लेई गलाया। उपराज्यपाल होंरें आक्खेआ जे तेजिया कन्नै कम्म करना ते निर्माण दी गुणवत्ता गी बनाई रक्खना समाजिक-आर्थिक तौर पर होर अगड़े बधने आली गति गी बल दिंदा ऐ।



### Motorable Bridge-JK

डोडा जिले च बटोत-किष्तावाड़ जरनैली षिड़कै कष मारसू थाहर चनाहू दरैया पर गड़िडएं दे लंघने आला इक पुल बनाया जा'रदा ऐ जित्थें पैहले लोकें गी दरैया दे रोआर पार जाने लेई मती कठनाई होंदी ही। साढ़े जिला संवाददाता फ़ैयाज पाम्पोरी नै जानकारी दित्ती ऐ जे 200 मीटर लम्मे इस पुलै दा निर्माण षिड़कें इमारतें सरबन्धी मैहकमे आस्सआ अंदाजन कोई 20 करोड़ रपे दी लागत कन्नै कीता जा'रदा ऐ। जिले च चनाहू दरैया पर बनने आला एह 6मां पुल होग जेहूदे पर गड़िडएं दी आओजाई मुमकिन होई सकोग। इस पुल दे तैआर होई जाने कन्नै कस्तीगढ़ ते राजगढ़ दी 20 लक्ख दी आबादी गी फायदा पुज्जोग जिंदा हुन बटोत-किष्तावाड़ जरनैली षिड़कै कन्नै सिद्दा संपर्क होग।



### VDG-SPO-JK

आम नागरिकें दी सुरक्षा ते आतंकवाद रोधी कारवाइण दरान बक्ख-बक्ख जिम्मेदारिण गी अंजाम देने लेई जम्मू कष्पीर च 2022-23 च ग्राम रक्षा समूहें दे 4 ज्हार 153 ते 32 ज्हार 355 एसपीओ लाए गे हे। गृहमंत्रालय दी इस अवधि यानि 2022-23 बरें दी रिपोर्ट मूजब पिछले त्रऊं दहाकें दरान जम्मू कष्पीर दे सुरक्षा हालात आतंकवादिण ते बक्खवादिण आस्सेआ कीती जाने आली हिंसा कारण बड़े मते खराब होई चुके दे हे, जिनेंगी बन्ने पारा थमां समर्थन थहोंदा रेहा ऐ। रिपोर्ट च दस्सेआ गेआ ऐ जे जम्मू कष्पीर च जारी आतंकवाद दा सिद्दा सरबन्ध बन्ने पारा थमां करोआई जाने आली घुसपैठ ऐ जेहूडी कोष्ट अंतर्राष्ट्रीय बन्ने ते नियंत्रण रेखा पर ब कीती जंदी ऐ। गृह मंत्रालय दी सलाना रिपोर्ट मूजब मजूदा सुरक्षा हालात गी ध्यानै च रक्खदे होई जम्मू कष्पीर सरकार नै ग्राम रक्षा समूह स्कीम अधिसूचित कीती जिसी 14 अगस्त 2022 गी नमें सिरेया तैआर करियै परतियै अधिसूचित कीता गेआ। ग्राम रक्षा समूह दे सदस्यें गी वीडिजी यानि विपेज डिफेंस गार्ड नां दित्ता गेआ ऐ। एल्लै ग्रां रक्षा समूह दी मंजूर कीती गेदी गिनतरी 4 ज्हार 985 ऐ जिंदे चा 4 ज्हार 153 गुपु बनाई लैते गेदे न।



### PM-Athlete Meet

प्रधानमंत्री नरेन्द्र मोदी होर कल नमीं दिल्ली च एषियाई खेड्डें च हिस्सा लैने आले भारतीय एथलीटें दे दल कन्नै गल्लबात करगंन ते उनेंगी संबोधत करगंन। इस कार्यक्रम च प्रधानमंत्री एषियाई खेड्डें च बेहतर उपलब्धि आस्तै एथलीटें दी सराहना करगंन। उनें गी भविक्ख दिएं प्रतियोगिताएं आस्तै प्रेरित करगंन। एषियाई खेड्डें च 28 सुन्ने सनें भारत नै कुल 107 तगमें हासल कीते न। एषियाई खेड्डें च एह भारत दा सब्बने थमां बेहतरिन प्रदर्शन ऐ। कार्यक्रम च एषियाई खेड्डें आस्तै भारतीय दल दे खडारी उंदे कोच, भारतीय ओलंपिक संघ दे अधिकारी ते राष्ट्रीय खेड्ड महासंघें दे प्रतिनिधि हिस्सा लैगन।



## Anurag Athletes

युवा मामलें ते खेड्ड मंत्री अनुराग सिंह ठाकुर होरें उनें सब्बने खडारिएं गी सलाम कीता ऐ जिनें अपने षानदार प्रदर्शन कन्नै भारत गी ऐतिहासक मान दोआया ऐ। इक सोशल मीडिया पोस्ट च श्री ठाकुर होरें आक्खेआ जे 60 बरें च पैहली बारी भारत नै एषियाई खेड्डें च 107 तगमें हासल कीते न। एह 2018 बरें दे तगमे थमां 52 फीसद मते न। उनें आक्खेआ जे खेड्डें लेई पूरा पराता सरिस्ता प्यार करने दे सरकार दे पक्कै धेइयै नै खडारिएं दी हर सतह पर मदद कीती ऐ जेहदे राएं एह ऐतिहासक नतीजे हासल हाए न। ठाकुर होरें आक्खेआ जे जिस आत्म विष्वास कन्नै खडारिएं प्रतियोगिता च हिस्सा लैता ऐ ओह हर भारतीय लेई खुषी दा पल ऐ। उनें गलाया जे ओह कल सारे खडारिएं कन्नै मलाटी करगंन ते उंदे कन्नै जित्त दी खुषी गी सांझा करगंन।

<><><><><><>

## Dushera Effigies(byte)

भारत दे हर इक हिस्से च समाजी एकता, सद्भाव, जरनीकपुने ते भाईचारे दियां जीन्दियां जागदियां मसालां दिक्खने गी लब्धियां न। मंदरें दे पैहर जम्मू च दपैहरे कोला क्या रोज पैहले गै उत्तर प्रदेश थमां मुस्लिम कारीगिर उथें पुज्जी गे न जेहडे अपने हिंदू भ्राएं कन्नै मिलियै दपैहरे आले रोज फूकरने लेई रावण, कुंभकरण ते मेघनाथ दे पुतले तैआर करा करदे न। दपैहरा ऐकती 24 अक्तूबर गी मनाया जाग। एह कारीगिर उआं ते हर बरें एह पुतले तैआर करने लेई इथें औंदे न पर ऐकती इंदा उत्साह बड़ा मता बधे दा लब्धा करदा ऐ। की जे हाल च गै पुरू कीती गेदी पीएम विष्वकर्मा योजना दी मदद कन्नै ऐसे ज्हारें कारीगिरें, जेहडे बक्ख-बक्ख कलाएं ते कारीगिरिएं दे माहिर न, उनेंगी माली मदद ते समर्थन देइयै उंदा दिल बधायी जा करदा ऐ। साढ़े जम्मू जिले दे संवाददाता अंकुष षर्मा नै इनें कारीगिरें चा दऊं मोहम्मद रहमान ते लीलू कुमार कन्नै गल्लबात कीती.....बाईट

<><><><><><>

## ITI-Kishtwar(byte)

किष्तवाड़ च जिला औद्योगिक केन्द्रें दे सैहयोग कन्नै सरकारी आईटीआई आस्सेआ हुनर विकास ते उद्यमता मंत्रालय दे दिषा-निर्देषें तैहत, प्रधानमंत्री हुंदे कुयाल भारत मिषन दे इक हिस्से दे तौरा पर प्रिंसिपल आईटीआई किष्तवाड़ अनूप षर्मा हुंदी दिक्ख-रिक्ख च मेले दा सरिस्ता कीता गेआ जेहदे कोई 80 कोला मते नोजवानें षिरकत कीती ते दरखास्त दित्ती इक दिनै दे इस आयोजन नोजवानें दी बड़ी मती दिलचस्पी ते उत्साह दिक्खने गी लब्धा। एहदे च 15 बक्ख-बक्ख क्षेत्रें कन्नै जुडे दे 10 कोला मते इदारें ते 15 बक्ख-बक्ख षोबें बारे जानकारी हासल कीती। साढ़े जिला संवाददाता कन्नै गल्ल करदे होई प्रिंसिपल आईटीआई किष्तवाड़ अनूप षर्मा होरें आक्खेआ.....बाईट

<><><><><><>

## Hardeep Energy

पेट्रोलियम मंत्री हरदीप सिंह पुरी होरें आक्खेआ ऐ जे इजराइल-फिलिस्तीन संघर्ष कन्नै भारत आस्तै ऊर्जा संकट पैदा नेई होग। अज्ज नमीं दिल्ली च 26मीं ऊर्जा तकनालोजी सरबंधी बैठक दा उद्घाटन करदे होई होई श्री पुरी होरें आक्खेआ जे सरकार इस पर तक्क रक्खारदी ऐ। उनें गलाया जे मुख्य इस मामले दे मद्देनजर अपना हल्ल कड्डी लैग। भारत ऊर्जा परिवर्तन आली भेठा बधारदा ऐ। भारत च ऊर्जा बदलाव पैहले जीवाष्म आधारित ईंधन थमां स्वच्छ ईंधन ते हुन नवीकरणीय ऊर्जा आली भेठा बधारदा ऐ। त्रै दिन दे कार्यक्रम दा विषे उभरदी ऊर्जा ते भविक्ख च इसी होर बेहतर बनाने सरबंधी तौर तरीके।

<><><><><><>

